

陽春縣志卷之五

學校 書院學堂附

曾南豐之言曰士有聰明樸茂之質而無教養之漸則其材不成豈不信哉宋仁宗慶歷四年詔天下皆立學吾邑之有縣學自此始明萬歷十二年於學後建育英堂清雍正五年更名瑞雲書院光緒三十三年改立中小學堂胥是道也宋有縣學而韋提舉君載於淳熙成進士明有育英堂而梁天官應材於天啓成進士清有瑞雲書院而乾嘉以降登科第者接踵斯其明效大驗已學堂之設雖創而實因倘有如韋梁諸公者聯翩而起乎企予望之矣

宋仁宗慶歷四年始詔天下皆立學陽春縣學所由建也故址在南門外一里梅花村元季圯明洪武二年知縣黃景明徙入縣治之右

地即今永樂七年縣丞吳子育重建明倫堂於殿後兩廡戟門櫺星門神

卷五

一

祠牲舍倉庫射圃俱完葺又建存誠育村二齋為諸生肄業之所正統三年督學彭琉視學令知縣宋啓主簿楊賜重設講堂勅號舍十間饌堂學門廡舍悉備天順間知縣李福海更新之成化五年燬於寇七年知府黃瑜委經歷全忠督建時知縣邱祥以學基不正改遷文廟面正南正德十年知縣黃寬重修計地深二十七丈廣十六丈重建明倫堂儀門鄉賢名宦二祠儒學衙舍三所及饌堂號房祭品庫房嘉靖十年知縣楊和始建 啓聖祠於廟左建敬一亭於堂後三十二年知縣謝復生捐俸率邑人楊世榮重修殿廡堂齋號舍移名宦鄉賢祠於戟門之左右隆慶間署同知郭文通與知縣熊烈鑿泮池引東門冠溪水入焉建尊經閣於明倫堂後高丈有八尺學前左右建騰蛟起鳳二坊置學田以資月課之需萬歷元年造錫祭器四年署同知蔡懋昭買學前民地以闢雲路增築泮池闌干架拱

橋知縣毛汝起典史黃文莊捐俸修櫺星門為柱者六橫架以石改建敬一亭於學左以置四箴碑凡殿廡堂齋戟門禮門名宦鄉賢二祠及門外照牆修復十五年八月大風 文廟木瓦掀壞殆盡知縣張文誥捐俸葺理如舊又以四箴亭舊址淺隘移建於尊經閣後泐石記之崇禎十六年知縣陳軾倡率重修至聖殿戟門左右名宦鄉賢祠及明倫堂

順治十一年縣學為偽安西李定國毀壞康熙九年知縣張含瑾修之十四年偽伯馬雄復毀二十五年知縣康善述修之六十一年知縣蘇澎詳請於學前正面建文明門又於 文廟照牆開巒宮門雍正七年教諭陳世蓮甫到官以殿廡階城多摧朽與知縣黃敷言訓導鄺士佐捐俸率紳士捐修先 至聖殿次兩廡殿前築月臺環以闌干櫺星門及名宦鄉賢二祠竝新之初泮池廣不盈五尺拱橋促

卷五

一

隘擴而廣之橫可五丈闌干迴遶又以櫺星門外圍牆卑狹左右各擴六尺牆增三尺文明門上建大魁閣二丈許左右兩門西曰披霞東曰挹翠門外闢青雲路廣一丈長二十餘丈臨溪架橋立坊紀焉九年教諭陳世蓮改建 啓聖祠於尊經閣後

即敬亭故址

大門南向顏曰

崇聖宮左右圍牆聯接聚文樓

即文瑞雲書院

至嘉慶十八年移祀明倫堂

後乾隆二十二年尊經閣朽知縣姜山捐俸重建牆易以磚高廣如舊閣前另築照牆及中門五十八年教諭顏斯緝倡議集紳士言於知縣劉子揚將巒宮前學地民房給價搬遷以擴宮牆自 至聖殿以下如戟門泮池櫺星門巒宮門悉更基址以次推廣計展地二丈有奇規模式廓雖修若創名宦鄉賢二祠明倫堂尊經閣文明門儒林門亦以次增修文明門外青雲坊前有水一泓曰龍船塘築長堤其中濶一丈長二十丈許以接雲路建坊曰雲漢為章城西南岡背

嶺冠溪舊學水匯流入漠陽江處也創文塔其上九級高七丈許又於儒林門內 聖殿左偏建龍光閣迎文明門樓上魁星像祀焉嘉慶三年落成董其事者歲貢生李家翰何應祥武舉藍挺秀監生嚴鵬翔生員鄧錦中也 以上錄舊志

崇聖殿廡於道光九年朽壞經知縣黃定宜率紳士修之

至聖殿於光緒三年知縣蕭丙堃倡捐修葺十八年知縣董汝礪教

諭楊炯訓導葉衍榮與邑紳劉顯禎劉德瑄倡捐重修增高大成殿

採訪冊

乾隆十八年頒先賢先儒姓名位次圖式至陽春

正殿

至聖先師孔子位

四配東

卷五

三

復聖顏子

述聖子思子

四配西

宗聖曾子

亞聖孟子

十哲東五位

增有子一位

閔子子騫

冉子仲弓

端木子子貢

仲子子路

卜子子夏

有子子有

十哲西五位

增朱子一位

冉子伯牛

宰子子我

冉子子有

言子子游

顓孫子子張

朱子元晦

東廡先賢

公孫僑

咸豐七年從祀原西廡同治二年改

林放

原西廡同治二年改

原憲

南宮适

商瞿

漆雕開

司馬耕

梁鱸

冉孺

伯虔

冉季

漆雕徒父

漆雕哆

公西赤

任不齊

公良孺

公肩定

鄒單

罕父黑

榮旂

左人郢

鄭國

原亢

廉潔

叔仲會

公西輿如

邽巽

陳亢

卷五

四

琴張

步叔乘

秦非

顏噲

顏何

縣亶

牧皮

原西廡同
治二年改

樂正克

萬章

周惇頤

程顥

邵雍

西廡先賢

蘧瑗

原東廡同
治二年改

澹臺滅明

宓不齊

公冶長

公皙哀

高柴

樊須

商澤

巫馬施

顏辛

曹邨

公孫龍

秦商

顏高

壤駟赤

石作蜀

公夏首

后處

奚容蒧

顏祖

句井疆

秦祖

縣成

公祖句茲

燕伋

樂欬

狄黑

孔忠

公西蒧

顏之僕

施之常

申棖

左邱明

秦冉

卷五

五

公明儀

咸豐二年從祀
東廡同治二年改原

公都子

公孫丑

張載

程頤

東廡 先儒

公羊高

伏勝

毛亨

同治二年
從祀

孔安國

原西廡同
治二年改

后蒼

鄭康成

原西廡同
治二年改

范甯

原西廡同
治二年改

陸贄

范仲淹

歐陽修

司馬光

原西廡同
治二年改

謝良佐

道光二年
從祀

羅從彥

李綱

咸豐元年
從祀

張栻

原西廡同
治二年改

陸九淵

原西廡同
治二年改

陳淳

何基
治原
二西
年廡
改同

真德秀

文天祥
治原
二西
年廡
改同
道光
二十
三年
從祀

趙復

陳澥
治原
二西
年廡
改同

金履祥

方孝孺
治原
二西
年廡
改同
同治
二年
從祀

薛瑄

治原
二西
年廡
改同

胡居仁

呂枏
同治
二年
從祀

羅欽順

劉宗周
治原
二西
年廡
改同

孫奇逢

陸隴其
治原
二西
年廡
改同

張履祥

同治
十年
從祀

陸隴其

西廡
先儒

穀梁赤

高堂生

劉德

光緒
間從
祀

董仲舒

杜子春
治原
二東
年廡
改同

卷五

六

諸葛亮

治原
二東
年廡
改同

王通

胡瑗

韓愈

韓琦
咸豐
二年
從祀
改原

楊時

尹焞

胡安國

李侗

同治
七年
從祀

呂祖謙

袁燮

同治
七年
從祀

黃幹

蔡沈
治原
二東
年廡
改同

魏了翁
治原
二東
年廡
改同

王柏
治原
二東
年廡
改同

陸秀夫
咸豐
九年
從祀

許衡

許謙
治原
二東
年廡
改同

吳澄
治原
二東
年廡
改同

陳獻章

蔡清

王守仁
治原
二東
年廡
改同

呂坤

曹端
咸豐
十年
從祀
改原

黃道周 原東廡同治二年改

湯斌 原東廡同治二年改

謹按東廡先儒張履祥西廡先儒劉德袁燮位次原圖所無後各奉

文增入 錄劉志稿

謹按以上東西廡先賢先儒坐位與舊志不同均據劉志稿編入

又按東西廡先儒增入黃宗羲黃淳耀王夫之顧炎武但位次未詳

錄採訪冊

崇聖祠正位

肇聖王木金父公位正中南向

裕聖王祈父公位東一室南向

詒聖王防叔公位西一室南向

昌聖王伯夏公位東二室南向

啓聖王叔梁公位西二室南向

卷五

七

東配

孔氏孟皮 咸豐七年配饗

顏氏無繇

孔氏鯉

西配

曾氏蒧 孟孫氏

東廡

周輔成 惇頤之父

程珦 顯頤之父

蔡元定 沈之父

西廡

張迪 載之父

朱松 熹之父

謹按道光以前兩廡先賢先儒名位均經廷臣考據史傳按年次序載在欽定會典通禮諸書自道光二年以來增祀賢儒但就祀位之多寡年代之先後隨時酌擬增入同治二年禮部以就一廡而論尚無陵轍而合兩廡而論不免參差謹遵乾隆十八年之例考據史傳

暨先儒文集按年次序開單請旨同治二年六月二十五日奉旨依
 議欽此志乘為稽求掌故之籍謹遵照禮部頒發祀位圖詮錄其有
 同治二年後奉文增入者悉補錄焉

錄劉志稿

正案陳設圖



四配陳設圖

東西各二案



卷五

九

兩序陳設圖

東西共十二案



兩廡陳設圖



卷五

十


釋奠班位圖 未詳
崇聖祠陳設圖



崇聖祠 從位陳設圖



崇聖祠班位圖



謹按舊制惟主祭在階下正中分獻乃列陪祀查清會典御拜位在殿內諸王位在殿外今直省宜派遣官例同列甬道上至職事名色比國學固少部寺科道等官比舊制亦少一司班而多一監禮

祭品飭兩

黍米 三斗九升

稷米 一斗五升

稻米 三斗九升

梁米 一斗

麥麵 二觔

蕎麥麵 一觔

菁 一百四十三觔

芹 八十七觔

韭 十觔

葱 五觔

酒 一百二十瓶

滌魚酒 二瓶

鹽磚 二十觔

白鹽 四觔

紅棗 一百四十三觔

栗 一百八十四觔

榛仁 十七觔八兩

菱米 三十觔

芡實 三十五觔

白糖 一觔

花椒 八兩

茴香 八兩

蒔蘿 四兩

大蕘魚 十尾

小蕘魚 十尾

醢魚 二十觔

大筍 十塊

謹按直省均照國學但近來簡畧成風所備或十無一二茲依定制

卷五

十一

錄之

製造品饌

太羹 用淡牛肉汁

和羹 一用牛肉釘一用豕肉釘滾湯淖鹽醬醋拌臨時淡汁澆

黍稷稻粱 各揀淨滾湯撈起如常飯一般製造

芡 揀淨無則蓮子代

菱 用菱米或鮮菱肉

棗 揀淨紅棗鮮棗膠棗皆可

栗 去皮無則核桃龍眼等代

榛 帶殼無則松榧子代

白餅 白鹽麪小圓餅粘白芝麻

黑餅 蕎麪小圓餅粘黑芝麻

形鹽 白鹽篩淨築為虎形

菁菹 諸葛菜梗畧經滾湯切作長段淡用

芹菹 淨芹梗切長斷白上青下

韭菹 揀淨切去本末取中三寸淡用

筍菹 乾筍煮過切作長段

蕘魚 白蕘段

魚醢 魚肉細切小方塊油鹽葱花椒蘿抹作醢

兔醢 去皮細切前法製造無則醬猪代

鹿醢 前法製造無則羊代

醢醢 醢乃醢之多汁若用猪脊脰肉前法製造

鹿脯 切塊酒淹摩鹿亦可無則羊代

豚拍 拍同豚肩或脅切作長膊塊加香料熟用

脾析 析音牛白頁切長斯條白湯煮熟

各學祭品不遵定例緣不諳造法謹依嘉慶八年兩江總督費所定不能尋覓酌代章程叅以素王紀事等所載擇其簡易者用之

八月二十七日 聖誕向缺典禮光緒五年己卯知縣蕭丙堃捐廉四十元發存春城餉埠生息遞年量收所入交邑中首事承辦先期傳知與祭十餘人衣冠齊集行禮以昭誠敬

以上俱錄劉志稿

學額

廩膳生二十名 增廣生二十名 歲科試各取進附學生十二名

歲試取進武生十二名

見舊志

按學額原十二名同治六年本省以各州縣歷年捐輸軍餉奉准

部覆陽春縣加廣文武永遠學額各三名

錄劉志稿

軍籍康熙五十五年奏頒衛所入學額其時陽春所每歲試取進文武童生各一名科試取進文童生一名撥入府學竝由府學補廩出貢雍正三年所官奉裁其軍屯所學額一名雍正十三年奏例撥歸

卷五

十二

府學

學地

明萬歷六年海防同知蔡懋昭助買民地一段左界梅宅右界軍地後大街前抵城脚直六十一步橫四丈建築牌坊扁曰雲路崇禎八年教諭梁梅鼎以學前狹隘欲闢雲路兩旁大厥觀瞻生員張宏化等集議請於縣以學東餘地與梁煇等易學前左民地一段又以學西餘地與梁應標易學前左民地一段竝右側民地一小段共地四十丈五尺有奇建坊後廢其地聽民蓋屋歲租繳學
清乾隆五十八年大修 文廟盡買學前民房清釐舊址自宮牆直至城脚東西二十六弓文明門外兩傍小屋一並給價撤遷俱永遠不得蓋造舖屋五十九年龍船塘新築之雲路南牌坊地東西十二弓半南北二十一弓為監生陳世業兄弟義送

學後之東自五循祠前水關直至大街六十九弓凡溝以內至儒林門所蓋民房俱學地

學後之西自書院右圍牆外橫十五弓直至學仔塘俱學地

西齋前西廡後地一段現係劉姓承租

宮牆西側官街旁橫五弓直至城脚現係吳周二姓承租

學田

原額學田六頃五十五畝九分九厘五毫

除納糧銀一兩二錢

通計每畝徵租銀九

分八厘八毫八絲共實徵租銀六十四兩八錢六分五厘

採阮通志

明隆慶五年耆老伍賢送田九十畝三分零該米一石五斗八升五合零今丈過稅米九十二畝八分零官民米三石二斗九升八合四勺二抄歲收租穀一百二十石與吳均作天地二號輪管佃甲麥引鳳

卷五

十四

又隆慶六年知縣熊烈置黎宅田三十八畝四分原稅米一石二斗三升四合零今丈過稅七十一畝七分九厘零米一石六斗四升九合二勺零原租穀六十三石後增七十石內存十石納糧佃甲張士明以上二租為本學會饌之資

又萬歷十三年知縣黃憲清申嶺西道王泮撥黃鳳絕戶黃裳田稅四頃三十六畝四分零米十三石五斗二升二勺零歲收租穀五百八十四石五斗四升俱詳允作為學田歲租除抵糧外悉充諸生燈油之費清順治十年陸續收水蔗尾潭西石牛輒曲鸚鵡山大岡寨五處稅米五石八斗五升四合二勺零現徵米二十四石三斗二升二合一勺

乾隆二十三年知縣姜山重修縣志時訓導阮大材覆稱租穀除拋荒減少外實五百三十石除奉撥四百石歸縣支納糧餉外尚存赤

籬崩石山口獨石窟漁田潭面水蔗尾牛軛曲九莊共租一百三十石經縣詳咨存留在學

書院學堂 附

今之瑞雲書院昔之育英堂也明萬歷十二年知縣張文誥捐俸同教諭羅兆琪集諸生捐金買賀姓地建育英堂於學後有記見藝文清康熙二十五年知縣康善述貢生楊公俊倡議創飛雲樓於堂後就馬路作基高出城堞以廣肄業之區亦為學後之鎮遂更名為聚文樓後牆開月門以達飛雲樓厥後聚文樓漸朽雍正五年飛雲樓亦塌教諭陳世蓮集紳士以飛雲樓之材補葺聚文樓而更其名曰瑞雲書院

初瑞雲書院祇有頭門及文昌樓閱數十年日就傾圮唯文昌樓牆壁僅存嘉慶十年知縣李永清倡捐修復文昌樓其頭門亦將鳩工

卷五

十五

以絀於費而止十八年知縣王鵬翥復倡修以 崇聖宮在書院前與 文廟不屬弗便於祀事且體制未崇爰將尊經閣改建

崇聖宮而以其地增建書院堂楹有加廊廡周匝董其事者歲貢生李家翰何廷贊生員鄧錦中也

膏火

一詳奉撥充共銀二十四兩一錢五分零
一春風官戶銀十四兩五分零
一閑盛祖戶銀四兩一錢二分零
一岑石安戶銀四兩一錢八分零
一筲竹垌官租銀一兩八錢
右租銀竝自乾隆二十三年以後歷縣所撥溢租荒租錢銀數目俱存縣內檔冊遞年由縣署核收送瑞雲書院為膏火之資

嘉慶二十五年知縣陳懷彥捐置荔枝林寨每年租錢七千文道光四年知縣趙榮撥充龍船塘

王公書院在倉邊巷常平倉西雍正九年知縣王博厚捐俸買生員柯一震屋地建以館諸生為屋二進深五丈五尺廣二丈八尺置義田三十餘石以充膏火今屋宇猶存其租向係書院收管輸納今自嘉慶十九年邑衆議撥併五循祠收輸以為遞年春秋二季添設忠孝節烈二祠祭費

以上錄舊志

學堂

縣立中學堂以試院改建光緒三十三年知縣黃玉年暨邑紳蘇培桂等倡捐即故院畧加改易將兩旁文場建造宿舍數十間甬道中間建一亭旁栽梧桐竹柳各樹

縣立高等小學堂以瑞雲書院及義勇祠為校址光緒三十二年知

卷五

十六

縣黃玉年暨邑紳倡辦

近聖初等小學堂以儒學東齋為校址光緒三十二年知縣黃玉年堂長陳本廉呈准教育司立案

時中高等小學堂以城內冠溪義倉為校址並增建左右空地為校舍光緒三十二年附城士紳吳其鯤游汝湘曾繼燾魯登龍鄭遠芳等及十一堡紳民公立

合水三堡高初兩等小學堂以滙瀾義學改建在合水墟之南光緒十一年附貢林德驥等倡建義學光緒三十三年學董陳炳霈柯朝光陳錫崙崔文欽等會同三堡各姓紳民捐資將原有義學增建堂舍前圍堂後花園以頭中兩座為宿舍兩廊為講堂後有高樓崇祀孔聖及文武二帝產業欸項每年約銀千餘元

范氏高初兩等小學堂在城西南七十里龐洞堡圍龍鄉光緒三十

二年購地創建學董范啓騏啓康啓華啓香等將范氏興宗義學田租及公私嘗產紳富捐題以充經費

劉氏家族高等小學堂以三甲劉氏昌後義學改建道光間劉榮玠以進士官浙捐俸千金創立族中文會歲分三課就祠集試乃孫舉人顯植於光緒九年復集族倡捐租石於劉氏始祖祠設立義學名曰昌後聘師課讀歲以為常光緒三十四年該族學董劉傳羨承芴承向土文等就舊義學租穀撥為常年學款

八甲高初兩等小學堂以八甲墟舊信和當舖為校舍光緒三十四年學董將六姓公嘗撥充學款後因匪亂停辦

潭水志道兩等小學堂宣統二年學董吳廷鑫劉廣鏞范啓康張汝材等創建於潭水墟西邊并借義勇祠及武帝廟傍屋葺為校舍知縣鄭業崇准撥潭水墟豬牛行中資捐斗資捐及各項報效為常費

卷五

十七

每年約銀七百餘元其教職員均由創辦各紳担義務

黃泥灣菁華高等小學堂以昌平社學改建在城北七十里黃泥灣墟咸豐五年顏有莊陳守衷謝紹德等創建社學同治十二年陳守衷嚴正彪謝鳴珮等重修後由蘇培桂嚴兆梯莫鴻漸等倡改為小學堂於光緒三十四年九月成立